

明季史料集珍

萬曆野獲編(四)

沈德符撰

漢文圖書出版社有限公司印行

明·沈德符撰

萬曆野獲編  
(四)

偉文圖書出版社有限公司印行

行政院新聞局核准登記證 局版臺業字第零伍叁號

# 萬曆野獲編 (四)

出版者：偉文圖書出版社有限公司

撰者：沈 德 符

發行所：偉文圖書出版社有限公司

信箱：臺北第六八一—九八一號

電話：五七一四七八五  
五八一六九九三

郵撥：第一〇四〇四三號

印刷所：華信彩色印刷企業有限公司

臺北市東園街一〇〇巷一六八號

中華民國六十五年九月

(本書係中央研究院歷史語言研究所所藏)

Published By Wei-Wen Book & Publishing Co., Ltd.

P. O. Box 68-981 Taipei, Taiwan, R. O. C.

Tel: 5714785, 5816993

萬曆野獲編卷之二十三目次

士人

唐伯虎

徐文長

張幼于

金華二名士

山人

恩詔遜山人

別號有所本

山人名號

山人歌

王百谷詩

山人對聯

山人愚妄

婦人

命婦朝賀

二婦全邊城

竇氏全印

宰相壽母

三太宰壽母

壽母禍福不同

江陵太夫人

閩老夫人旌表

假雲陽

婁江四王

黃取吾兵部

婦人能時藝

女郎吟咏

姑婦不絕嗣

沈歸德身後

燕姬

廣陵姬

女醫貸命

徐安生

婦人弓足

胡元瑞論纏足

妓女

妓鞋行酒

劉鳳臺

鈞闈

杜常

俠娼



萬曆野獲編卷之二十三

秀水沈德懸撰續

桐鄉錢枋爾載輯

士人

唐伯虎

弘治中唐解元伯虎以里誤問某因厄終身聞其事發于同里  
都同卿元敬榜都亦負博洽名素與唐善以唐意輕之每懷報  
復會有程篁墩預洩場題事因而中之唐既罷歸誓不復與都  
接一日都瞰其樓上獨居私往候之方登梯唐頷見其面即從

窘躍下墮地幾死自是遂絕以至終身聞都子孫甚微或是備却之報然唐後亦不聞賢者此說得之吳中故老云

### 徐文長

徐文長渭暮年游京師余尚孩幼猶畧記其貌長軀皙面目如曙星性踈跑不受羈馬館于同邑張陽和太史元汴家一語稍不合即大詬詈策騎歸後張沒徐已瘖老猶扶杖歎哀感路今蓋生平知己毫不以親疎分厚薄也徐初以草白鹿表受知于胡襄愍梅林宗憲戊午浙闈胡囑按君急收之徐固高才即上第亦其分內按君搜得之大喜以授其所善邑令丹鉛之令故為徐所輕銜之方入骨按君暫起輒泚筆塗抹之此取視

則鴟鳥滿紙幾不可辨矣徐此後遂患狂易疑其繼室有外  
遇無故殺之論死繫獄者數年亦賴張陽和及諸卿哀力得出  
既讞不得志盜病恚自戕時以竹釘貫耳竅則左進右出恬  
不知痛或持鐵錐自錐其陰則羣丸破碎終亦無恙說者疑為  
崇野憑或疑寃死之妻附着以苦之俱不可知而其人高抗媚  
絜于人無所俯仰詩文久為表中即所推戴謂出弇州且此自  
有定論其所作画尤脫畦徑題署則托名曰水月等號是也今  
已有人購之文長自負高一世少所許可歎注意湯義仍寧詩  
與訂交憑重甚至湯時猶在公車也余後遇湯問文長文價何  
似湯亦稱賞而口多微辭蓋義仍方欲掃空王李又何有于文

長

張幼予

吳中張幼予，獻翼奇士也。嘉靖甲子，與兄鳳翼伯起弟燕翼浮鵠同舉南畿試。主者以三人同列，稍引嫌，為裁其一。則幼予也。歸家憤之，因而好怪誕，以消不平。晚年，彌甚。慕新安人之雷而妬之，命所狎群小呼為太朝奉。衣冠亦改易，身披采繪，荷菊之衣，首戴緋巾。每出，則兒童聚觀，以為樂。且改其名曰敬予。偶過伯起，因微諷之曰：「次公異言異服，諒非公所能諫止。」獻紅帽，乃俛囚所頂一軟闕，下即就市曹。大非吉徵，奈何！伯起曰：「奚止是！其新改之名亦似殺字。吾方深慮之，未幾而有蔣高私妓一

事幼予罹非命同死者六七人伯起揮淚對余歎狂言之驗先  
是幼于堂廡間掛數十牌署曰張幼于賣詩或賣文以及賣漿  
膏痴賣歎之屬余甚怪之以問伯起曰此何意也伯起曰吾更  
虞其再出一牌云幼于賣兒則吾危者余曰果爾再出一牌云  
賣友則吾輩將奈何相與撫掌大咤同時吳中有劉子威鳳文  
苑者宿也衣大紅深衣編繡群鶴及獬豸服之以謁守土者蓋  
劉曾為御史遷外臺以歸故不志歸弁諸使吾以其老名士亦  
任之而已此皆可謂一時服妖幼于被難為辛丑年時虎丘僧  
省吾者嗜酒忽一日醉死之孝廉與姻家比隣偶大失貲重疑  
孝廉與盜通因捕治死獄中時稅事再興市人葛成倡義編拆

豈謂富家有歐蕪者當事置之死法適幼子又以妓致頤俱一  
兩月內事吳人遂以奏酒色財氣四字云

金華二名士

蘭谿吳少君孺子為余大父客幼時曾識其人孤介有潔癖可  
攜樹瘳炉鹿皮毯之屬俱極精好炊飯擇好米自視火候其貌  
亦似野麋為詩俊冷自喜不受凡俗人供養視今小人革猶  
囊橐也又其邑胡元瑞應麟以丙子舉孝廉乃翁與先大父已  
未同籍因得與稱通門其名噪一時王弇州至欲以衣鉢傳之  
才情賅洽多所凌忽乙未赴南宮與同里趙常吉士楨酒間嘲  
謔戲呼趙為家丁趙拔刃刺之幾為所中踰墻得免自是稍戢

是年場後試內閣司誥勅中書官例取乙榜二人胡與首揆趙  
蘭谿密戚深交面許必得時論亦服胡聲華咸無異議既題請  
欽定試日胡忽大病不能入而粵東張孟奇奇也當得之張蓋納賂  
于首揆紀綱祝六者先為道地矣或云張預言胡倘見必當  
駭言官并首揆彈治之故胡托辭不試未知然否胡性亦高佻  
不屑隨時俯仰既失意歸旋發病卒張入中秘出為戶部郎權  
稅于晏索金巨萬今以養母予告其自奉王公不能過也張亦  
以詞賦自命人儻岸有福相不似胡之槁瘠云吳胡同里相善  
無後來游客氣下世俱已冬前輩風規猶可想見趙常言溫之  
樂清人遊京師不得志故善八法嘗書所作詩扇上官官持以

今今上方幼冲見之喜以布衣召入直文華殿江陵奪情杖諸  
諫者于闕下趙故与艾沈諸公善因楚服索醴持黑羊股調獲  
于血刃中以此知名喜談兵事工騎射講火器屢上疏請自效  
不報見公卿臺諫抗不為禮亦奇士也趙初得官鵝臚寺主簿  
供奉十八年始晉中書舍人又十餘年不進秩以歿主上之裁  
抑恩澤如此。胡元瑞亦好使酒一日寓西湖適汪太函司馬  
携乃弟仲淹來杭王元美伯仲并東南諸名士大會于湖中仲  
淹已病其詩頗有深思秀句心薄胡之粗豪忽傲然起謂弇州  
曰公奈何遽以詩統傳元瑞此等得登壇坫將置吾輩何地  
汪王三先王出倉猝不及卷元瑞亦識仲淹氣盛第怒目視時

戚元敬少保寔偕二汪渡江因同席飲出軟語兩解去胡大怒  
移罵至目為粗人戚驚避促輿度嶺去滿座不赦而罷時人作  
襍劇嘲之署題曰胡學究醉鬧湖心亭戚總兵敗走萬松嶺然  
胡伸于戚而絀于趙亦罵座之報歟

